



Da la suprastanza cumünala

Plan da quartier Guarda Pitschen, revisiun

Per s-chaffir megldras premissas per chi possa gnir surfabrichada eir l'ultima parcella i'l quartier Guarda Pitschen faja dabsögn da far üna revisiun dal plan da quartier.

La suprastanza decida d'introdüer la procedura da müdamaint.

Cumischiun da lavinas

Actualmaing fan part Mario Riatsch, Jachen Stuppan e Christian Andersag a la cumischiun da lavinas. Chasper Alexander Felix es incumbenzà sco cusgliader da la cumischiun.

La suprastanza decida dad elegier eir al nouv silvicultur Antonin Hugentobler illa cumischiun ed a Mario Riatsch sco president da quella.

Trü, petiziun «center cumünaivel»

Id es gnüda inoltrada üna petiziun per ün center cumünaivel in Trü. La suprastanza es da l'avis chi saja dad installar üna cumischiun chi s'occupa da quista tematica. Quella dess però eir s'occupar da las gestiuns Gurlaina e Quadras. In quella cumischiun fan part las seguintas persunas:

Christian Fanzun (capo), Men-Duri Ellemunter (suprastant cul sector turissem e sport), Urs Wohler (directer dal TESSVM), Kurt Baumgartner, las iniziantas da la petiziun «center cumünaivel» Claudia Zaugg e Salome Meuwly e Gerhard Hauser (directer dal BES) chi vain trat pro sco cusgliader pro dumondas specialas.

Ordinaziun d'ustaria

La cumünanza d'urna dals 29 november 2015 ha approvà la ledscha d'ustaria. Uossa decida la suprastanza da relaschar ün'ordinaziun. In quella esa fixà las cumpetenzas da la direcziun, da la pulizia cumünala e las tariffas per las taxas.

Via Sent – Crusch, attach Crusch

L'uffizi da construcziun bassa ha decis da far üna nouva entrada da la via da Crusch illa via d'Engiadina. Ils duos proprietaris da terrain pertocs nempe Jon Carl Rauch e Tina Maria Ritz-Benderer sun pronti da ceder il terrain bsögnavel. Els nu vöglian gnir indemnissats cun raps, dimpersè vöglian üna cumpensaziun reala. Quai vuol dir cha'l cumün stuves dar il terrain e survgniss l'indemnisaziun dal Chantun. Quella jada cha'l Chantun surdà la via da Sent – Crusch al cumün vain quel terrain da la via (parcellas 10752 e 10753) inavo al cumün.

I sun premissas las seguintas propostas per barattar il terrain cul cumün:

- Jon Carl Rauch ceda var 1'900 m² da la parcella nr. 10752 e survain sco cumpensaziun ün toc pas-ch suot sia stalla a Muntatsch ch'el cultiva per part fingià.

- Tina Maria Ritz-Benderer ceda var 2'300 m² da la parcella nr. 10753 e survain sco cumpensaziun var 2'900 m² da la parcella nr. 11081 in Charbunera sur la via da Sinestra.
- La senda chi maina da Sent giò Crusch traversa la parcella privata da Luzia Tschalär. Per reglar quista situaziun as pudessa barattar la surfatscha obain conclüder ün contrat da servitut. Implü füssa da survgnir amo üna sribla al ost da la parcella per gnir giò culla senda parallel culla piazza da parcar da la Pizzeria Crusch.

La suprastanza es perinçletta cullas propostas pels barats da terrain resp. cul contrat da servitut.

Pendicularas Motta Naluns, sustegn al «Schweizerhof» Vulpera

Sco chi'd es cuntschaint viava decis il Robinson Club da serrar l'hotel Schweizerhof fingià in october 2015. Grazcha a l'ingaschamaint finanziel da las Pendicularas resta quel avert eir amo quist inviern. In connex cun quist'acziun dumondan uossa las Pendicularas al cumün per üna partecipaziun finanziaria. La suprastanza s'es consciainta ch'üna serrada immediata da l'hotel Schweizerhof füss statta fatala e perquai decid'la da far quist sforz e da surtour ün import da CHF 66'843.60.

Reservat da Biosfera Val Müstair – Parc Naziunal, cussagl

Tenor il contrat da cooperaziun ha il cumün da Scuol il dret da duos commembers i'l cussagl dal Reservat da Biosfera Val Müstair Parc Naziunal.

La suprastanza decida da delegar a Christian Fanzun (capo) ed a Men-Duri Ellemunter (sectur turissem) i'l cussagl.

Dumondas da fabrica

La suprastanza resp. la direziun han concedü ils seguaints permiss da fabrica:

- Monica Neuhäusler, Sent, suost per l'auto, parcella 10447 e 10444
- Riet Cantieni Motors, Scuol, suost per autos, parcella 1946
- C-Comerz SA (Denner), Scuol, suost davant la butia, parcella 1886
- Men Zanetti, Sent, container sco officina, parcella 10462
- gian Paul Priuli, Garsun Guarda, serragl pel chan, parcella 41573
- Emil Laurent, Scuol, isolar la chasa, parcella 1653
- Franco e Brigitte Ferrari, Ardez, renovaziuns internas e novas fanestras, parcella
- Rolf Michael e Nicole Schaad, Sent, izolaziun e fanestras da tet, parcella

Scuol, 21 schner 2016

La suprastanza cumünala